

化行此聖人終不爲大故能成其大之義也

執大象章第三十五

執大象天下往往而不害安平泰樂與

各止道之出口淡

乎其無味視之不足見聽之不足聞用

可既

大象無象視聽不得言其虛也蓋言

心應物無所往而

不利故能通天下之幾微而無所不當則不害於理故無所不安無所不平無所不泰也樂與餌聲味俱美雖足以快其心爽其口然皆外物也以其根塵幻假如過客止於逆旅暫寄而已喻其不能久也道之出口雖然淡乎無味無色可見無聲可聞用之則無盡也迷人運筆至此而有感焉慨而

道藏輯要

道德上經釋辭

言

心集九

X 8 - 1

言曰道之出口淡乎無味視不見聽不聞擴充而用之神妙無方變化倏忽可以包天地而括三才可以貫金石而入水火可以嘯命風雷可以鞭龍作雨可以咒水草而驅邪愈疾可以辟粒食而住世延年修之於內則聚靈爲寶超凡入聖用之於外則調理陰陽濟人利物立神羽化其用何窮得之者或不以鄙言爲妄也否則大笑之奈何愚人嗜色味以快其心美其口如遇客暫寄於逆旅何其小也何不遊心於大象造乎混沌鴻濛之墟超然無外作天地間一大丈夫磊磊落落散澹無拘豈不大快其身心也哉學者試於正心靜默之中以求之綿綿密密以用之而無間斷力久工純自然鑿

開混沌探蹟太虛則大象可執鴻濛可造矣

將欲歛之章第三十六

將欲歛之必固張之將欲弱之必固強之將欲廢之必固興之將欲奪之必固與之是謂微明柔弱勝剛強魚不可脫於淵國之利器不可以示人

見其固張便知將歛見其示強便知其弱見其固興便知將廢見其固與便知將奪此兵法虛實之理權謀徂詐之術也其機雖隱微而其理亦甚明故曰是謂微明也柔弱者無爭雖有強暴莫能加之故曰柔弱勝剛強也夫魚不可脫於淵出於陸則死利器不可以示人墮其機則敗利器者謂權謀

道藏輯要

道德上經釋辭

三

心集九

智力之術以勝人也懷勝人之心者則人亦懷勝心以應之其必敗故曰利器不可以示人也此言人以智謀求勝而天下之智謀者眾矣其或測其機以應之則有必敗之患也是故任智謀而背道如魚之脫水則死利器示人則敗也若以道而示人人亦以道而應之我以柔弱而不爭雖有剛強亦不能加之於我如魚之不離水不以利器示人也先儒謂權謀狙詐之學皆原於此蘇張申韓皆其流此言誤矣豈不知老子之道以仁義聖智而猶病之權詐肯爲乎其不待辯亦已明矣如言柔弱勝剛強利器不可以示人者極言不可用之之意然此經辭義含蓄多喻譬之言學者切不可辭害